

Therani AVA2

19.01.2023.

BOSNA I HERCEGOVINA
FEDERACIJA BOSNE I HERCEGOVINE
OPĆINSKI SUD U SANSKOM MOSTU
Odjeljenje za zemljišnoknjižne poslove
Broj:022-0-SU-23-000 034
Dana:13.01.2023.godine

Na osnovu člana 63. i 67. Zakona o zemljišnim knjigama Federacije BiH („Službene novine Federacije BiH” broj: 19/03 i 54/04), Općinski sud u Sanskom Mostu

**NAJAVLJUJE USPOSTAVU I ZAMJENU ZEMLJIŠNE KNJIGE ZA
KATASTARSKE OPĆINE HADROVCI, PODVIDAČA, SLATINA, STARA RIJEKA
I STARI MAJDAN**

Pozivaju se sve zainteresirane osobe koje polažu pravo na priznavanje vlasništva ili nekog drugog prava na nekretninama upisanim u katastarskim općinama Hadrovci, Podvidača, Slatina, Stara Rijeka i Stari Majdan po novoj izmjeni da to svoje pravo prijave Općinskom sudu u Sanskom Mostu, Odjeljenje za zemljišnoknjižne poslove, u roku od 60 dana od dana objave ovog oglasa u Službenim novinama Federacije BiH, Službenom glasniku BiH, Dnevnom avazu, Večernjem listu i oglasnoj ploči suda, i to podneskom u dva primjerka, kao i da podnesu dokaze za to, u suprotnom njihovo pravo neće biti uzeto u obzir prilikom uspostave zemljišnoknjižnog uložka.

Osobe koje polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebne dokaze. Ukoliko u produženom roku ne uslijedi dostava novih dokaza zemljišnoknjižni uložak će se uspostaviti na osnovu do tada pribavljenih dokaza.

Pozivaju se sve zainteresovane osobe da prijave svoja prava i rješavaju svoje imovinsko-pravne odnose. Prijava prava u prvom redu je u Vašem interesu. Prijavom prava osiguravate sudjelovanje u procesu utvrđivanja prava na Vašim nekretninama.

Dobivanjem rješenja o upisu prava i njegovim provođenjem u elektronski vodenoj zemljišnoj knjizi osiguravate apsolutnu zaštitu svojih prava. Stoga Vas još jednom pozivamo da prijavite svoja prava na nekretninama i aktivno sudjelujete u daljnjem postupku.

Svi upisi u novouspostavljenu zemljišnu knjigu za katastarske općine Hadrovci, Podvidača, Slatina, Stara Rijeka i Stari Majdan će se provoditi bez naplate sudske takse, jer sud ovaj postupak provodi po službenoj dužnosti.

Uvid u elektronski vodenu zemljišnu knjigu, te lična predaja podnesaka sa dokumentacijom moguća je u odjeljenju za zemljišnoknjižne poslove Općinskog suda u Sanskom Mostu, na adresi Muse Ćazima Ćatića br.8, svakim radnim danom od 11,00 do 14,00 sati.

Podneske je moguće dostaviti i putem pošte na adresu: Općinski sud u Sanskom Mostu, ul. Muse Ćazima Ćatića br.8, 79260 Sanski Most.

PREDSJEDNIK SUDA
Enes Selman